

P A V L V S E P I S C O P V S

Seruus seruorum Del.

AD PERPETVAM REI MEMORIAM.



Nigenitus æterni Patris Filius, Christus Dominus, & Redemptor noster, qui se quotidie vnâ cum Patre operari professus est, cum Pater meus, inquit, vsq; modo operatur, & ego operor, nunquam destitit mirabiliter illuminare terram suam à montibus æternis; sed varijs locis, varijsq; temporibus suscitando æternæ gloriæ candidatos, Sanctos suos, Ecclesiam Sanctam illustrare mirabilem in modum consuevit; non solum, vt addat in dies magis domus suæ gloriam, & decorem, sed etiam vt irradiando humanæ vitæ te-

nebras splendoribus Sanctorum, tarditatem nostram vrgeat, fratrum nostrorum exemplo, quasi præsentis testimonio oculorum. Hic idem Dominus, qui facit mirabilia magna solus, magnificauit nouissimè facere nobiscum, ac miro dispensationis suæ opere statuit super Apostolicæ petræ arcem grande luminare; eligens sibi è gremio Sacrosanctæ Romanæ Ecclesiæ, Carolum, Sacerdotem fidelem, seruū bonum, formam gregis, formam Pastorum. Qui videlicet, multiplici fulgore Sanctorum operum vniuersam decorando Ecclesiam; Sacerdotibus; & Populo præluceret quasi Abel in innocentia, quasi Enoch in munditia, quasi Iacob in laborum tolerantia, quasi Moyses in mansuetudine, quasi Elias in ardenti zelo, qui; imitandam exhiberet inter affluētes delicias; Hieronymi corporis castigationem, Martini in sublimioribus gradibus humilitatem; Gregorii pastoris sollicitudinem; libertatem Ambrosij; Paulini charitatem, ac demum videndum, ac perspicuum ostenderet oculis nostris, manibus nostris contrectandum, hominem; mundo maxime blandiente, crucifixum mundo, viuētem spiritu, terrena calcantem; cœlestia iugiter negociantem, & sicut officio in Angelum substitutum, ita etiam mente, & opere vitam Angelorum in terris æmulantem. Quamobrem merito repletum est gaudio os nostrum, & lingua nostra exultatione, in insigni die solennitatis nostræ; quando, nullis meritis nostris, sed in scrutabili sapientiæ suæ arcano, hanc diem mundo diluere his temporibus ante sæcula præordinauit. Ahissimus, in qua per ministerium humilitatis nostræ Carolo S. R. E. cui auctore Domino, præsidemus, Presbytero Cardinali, sacris decernendis honoribus, vnicæ

sponte sua qua imponeretur corona, ornata omni lapide præfoso. Ex hoc enim confundentur omnes, qui adorant sculptilia impiarum adinuationum suarum, & gloriantur in simulacris errorum; confitebuntur autem populi Sancti Domini, & exaltabitur nomen eius solius. Et quoniam solennis declaratio Sanctitatis Christi famuli, ex iussu Imperatoris Ecclesie Romanæ ritu, & ex præscripto sacrorum canonum celebrata, perpetuis futuris temporibus, nostris Apostolicis litteris est de more consignanda, hæc duximus ex eius vita, & miraculis, totiusq; causæ adis summam referenda.

Nascitur dilectus Dei Carolus in primaria Mediolanensi familia Borromæa, ex parentibus Giberio Comite, & Margarita Medicea, anno salutis MDXXXVIII. cuius futuræ eximie sanctitatis splendorem præmonstrauit Dominus magno, & insolito lumine, qua nocte puer nascebatur, super matèrnum cubiculum compluribus viso. Nec puerilis ætas eiusdem sanctitatis indicij caruit; tempus enim quo vacare licebat, extruendis, & exornandis altariolis magna cum voluptate dabat. Crescente ætate, quod bonam eius mètèr excellentioribus donis Spiritus Sanctus in dies magis præpararet, christianis moribus, & litteris non difficile à pijs parentibus imbuir: Eminebant verò in adolescente præludia benedictionum, quibus dignatus est eum Altissimus, munditia cordis, pax interna, innocentia, & modestia: nec rebus solum, sed etiam omnibus verbis turpibus, omnibusq; mendacijs abstinere. In utroq; iure in Papiensi vniuersitate, vbi his studijs operam dederat, ad doctoratus gradum promotus, à se. re. Pio Papa Quarto, Prædecessore nostro, eius auiùculo, paulo ante, disponente Domino, ad Apostolatus apicem euecto, Romam euocatur, & in Sacrum S. R. E. Cardinalium Collegium adscribitur, deinde Mediolanensi Ecclesie præficitur, grauissimaq; vniuersalis Ecclesie negotia, & Sedis Apostolicæ muna illi creduntur. Hic verò cæpit Dominus ostendere in Carolo mirabilia sua; cum enim nondum vigesimum tertium expleuisset annum, administrabat omnia diligenter, in sapientia, & iustitia, summo cù zelo honoris Dei, & studio Catholicæ Ecclesie vtilitatis. Quæ omnia in negocijs fidei Catholicæ, & vniuersæ Ecclesie, quæ in Concilio Tridentino tunc agitabantur, maxime enituerunt. Non vigilijs, non incommodis, aut laboribus vlljs pepercit, vt ne quid retardaret Sanctæ Synodi absolutionem, quam ipse sollicitè, & cum spiritus ardore, promouit semper, donec à Domino impetraret. In tam sublimi dignitate gradu constitutus, diuitiarum, potentia, ætatis, alijsq; non paucis, nec leuibus delinimentis circumdatus; tantù abest, vt post carnalia desideria abierit, vt stuporem assistente præsidio; tunc cœperit Christo magis adherere, & spiritualia ardentius æmulari. Itaq; vrbano splendore, & amplitudine relictis, bonus operarius in messem, quam susceperat, Mediolanum discedit, vbi partes suas in dies magis implendo, agrum illum, malicia temporum vepribus turpiter deformem, ac siluescentem, in eum restituit nitorem, vt Ecclesiâ Mediolanensem præclarû exemplar redderet Ecclesiasticæ disciplinæ. Hoc autem cum à se præsentè præstandum cerneret, nunquam à residentia discessit nisi coactus; aut concedente Sede Apostolica, vel seniore Episcopo suæ prouincie approbante. Principio Concilij Tridentini de-

creta executioni mandari sollicitè curauit, & vt Ecclesiasticam disciplinam mo-
 resq; deprauatos rectè, & ordine emendaret, Domini via incedendum intelligens,
 diuino auxilio facere incepit, & docere. Nam à se, suaq; familia reformationem
 aggressus, omnia ad Sacrorum Canonum, & Sanctorum Patrum exempla compo-
 suit; laicis familiaribus grata missione dimissis; clericorum censuit vtendum mi-
 nisterio, quibus cum assidue illi erant ad Deum preces; aliq; complures spi-
 rituales occupationes; omni vestium pompa detracta; omniq; alia re, minus ho-
 nestà, & religioso indecora sublata. Quantum in Ecclesiæ suæ recta administra-
 tione praestiterit, satis declarant Synodi multæ Prouinciales, ac diocesanae,
 eiusdemq; Ecclesiæ actorum edita volumina, quæ Sacerdotum manibus teruntur,
 & regendi Ecclesias doctrinam abundè suppeditant. Ciuitatis, ac diocesis suæ
 Ecclesias, aut ipse solus suis sumptibus, aut grandi elemosyna præcundo, vna cum
 alijs instaurauit; alias à fundamentis edificauit; alias ornauit; prætiosa etiam non
 nullas suppellectile re suo instruxit. Pueris, & adolescentibus Ciuitatis, & die-
 cesis, cum Clericis, tum Laicis, necnon Heluetijs, & Rhetis moribus, & litteris in-
 formandis, Presbyteris secularibus in regimine animarū erudiendis, Seminaria, &
 Collegia instituit; præterea regularibus clericis, Sacris Virginibus Regulares, Se-
 cularibus verò tam mulieribus, quam virginibus seculares domos, Mendicanti-
 bus Hospitalale, Canonicis Ecclesiæ Mediolanensis Ordinarijs cōmune domiciliū
 Archiepiscopis, eorūq; hospitibus oportunas ædes, alijs pijs operibus complures
 alias piæ domos magnis sumptibus, partim proprijs, partim beneficiorum Ec-
 clesiasticorum vnione, & attributione extruxit, auxit, & necessarijs redditibus sta-
 bilit. In prædicatione verbi Dei tam frequens erat beatus Pontifex; vt
 planè in omni patientia, & doctrina impleret ministerium suum, vigilando,
 laborando, labore penè incredibile; ita vt quadraginta horarum solennibus
 precibus continuo persistens in ieiunio, & vigilia, singulis horis ad populum ad-
 mirabili patientia sermonem haberet. A frequenti visitatione ecclesiarum, & po-
 pulorum suæ diocesis, ac prouinciæ, vel aliarum etiam diocesum, cum ab Apo-
 stolica Sede demandabatur, nullis incommodis, aut periculis deterreri, vel retar-
 dari potuit; non æstu, non algore, aut nocturnis tenebris, non præruptis, & aspe-
 ris Rhetorum, & Heluetiorum montiū, niuē, & glaciē rigentium, neq; alijs deniq;
 multis & grauibus difficultatibus. Sed vir Dei charitate, quæ foras pellit timorem,
 & omnia sustinet, omnibus superatis, etiam cum suæ vitæ discrimine, increpan-
 do, obsecrando, prædicando & exemplo, atq; auctoritate personæ, hæreses, multaq;
 alia grauissima vitia, & abusus, præsertim à clero, per Christi gratiam sustulit. In
 administrando patrimonio Ecclesiæ tantum industriæ, & diligentæ adhibuit seruus
 fidelis, vt eius redditus multo maiores relinqueret, quàm acceperat; nec minus ta-
 men in illis dispensandis fidelis apparuit coram Domino. Hospitalitatem quip-
 pe exhibuit vsq; adeo, vt ostium eius omnibus pateret semper; diocesanis, alie-
 nigenis, notis, ignotis, præsertim vero Ecclesiasticis, quos in secularibus diuer-
 sorijs manere indecorum dicere solebat, suamq; domum publicum hospitium vo-
 cabat. In elemosynis dandis ita se gessit, vt in hoc opus præcipuè abundasse

merito dici possit, ac dispersisse, & dedisse pauperibus. Quantum enim necessarii sumptibus ex mensæ Ecclesiæ Mediolanensis, & ex alijs proprijs redditibus supererat, totum in pauperes abibat; & ne quemquam aperte rogandi, aut accipendi pudor expertem faceret misericordiæ suæ, secretis elemosynis fidem præposuerat ministrum, qui eorum occultis necessitatibus subueniret. Eoq; processit pauperibus subueniendi studium, ut Vritanum Principatum, reliquum patrimonij sui, nec tenuis redditus, distraheret, & quadraginta millium scutorum pretio, quamuis vili, inde percepto, diuersis pijs locis Mediolani tantum pecuniæ paucissimis horis attribueret. Cum verò pestilentiam in ciuitatem, & diocesim Dominus immisisset, & gregem sibi commissum, bonus pastor miserabiliter affligi cerneret, ut egenorum calamitati temporalibus etiam auxilijs prospiceret, vel argentea vasa, stragulam, aliamq; vestem, ostiorum vela, proprijq; demum lectuli squalatum dedit. Neq; hic constitit seruens Christi serui, erga proximum dilectio, sed æmulando charismata meliora, ad eam charitatem peruenit, qua maiorem neminem habere Dominus ipse pronunciauit. Quasi enim parum iudicaret publicis supplicationibus nudipedalibus, verbo, & opere inducere clerum, & populum ad diuinam deprecandam vindictam, & ad pœnitentiam prouocare, aliaq; multa in commune consulendo sollicitè ordinare, promunere pastoralis, cernens id etiam animarum saluti, & gregis necessitatibus in Domino expedire, dispositis rebus suis, & selectis nonnullis adiutoribus, infirmos tam ciuitatis quàm diocesis cuiuscunq; ordinis, die nocteq; visitando, spiritualia, & temporalia ministrabat defunctos sepeliri, infantes orphanos nutriri, ac sua quemquam onera publicè demandata, diligenter, ac fideliter administrare curabat, non pauperum valetudinaria, non humiles casas, inuisas dimisit, non ad mortuorum cadauera accedere veritus est, ut viuentem miserabiliter inter mortuos infantem ab vberibus defunctæ matris eriperet, & sic agendo boni pastoris expleret officium, qui animam suam ponit pro ouibus suis. Id quod facere etiam se paratum pro tuendis Ecclesiæ iuribus, & Ecclesiastica restituenda, & conseruanda auctoritate non semel ostendit; quippe qui in promptu haberet vlscisci omnem inobedientiã; mitissimus alioquin vir, & clementissimus; ita ut calumnias, contumelias, grauesq; persecutiones patientissimè ferret. Quapropter oblata aliquando indicia proditiõis vitæ suæ neglexit, & litteras, nec resignatas, flammis tradidit. Ferè nullus, quamquam delicti reus, eius misericordiam pœnitens implorauit, qui non fuerit consecutus. Seuerus tamen arbiter erat in expendendis meritis personarum, cum de ecclesiasticis beneficijs, & officijs conferendis ageretur: beneficia enim nisi magis idoneis non dabat, neq; in illis dispensandis vllatenus à sacrorum canonum voluntate recedebat. Et ut sanctè, & iustè coram Deo, & hominibus omnia tractaret, à muneribus, etiam vilissimis, abstinuit. Tribunalia sua, ut non solû quauis labe iniquitatis, sed etiam suspicione vacarent, omni studio, præsertim sæpe illa visitando, præstitit. Nullum tempus animi relaxationi dabat, sed opus Dei, & proximi continuè agenti negotium negotio succedebat, curam cura excipiebat. Non quietis tempus vacabat ab opere, nõ refectiõis: bonam enim

lectione, tum scripture; tum oratione absumebat; interdum in oratione pernoctabat, neq; idcirco remissior mane in agendo erat; ita vt in actis inter cetera consignatum sit, quod cum aliquando Romæ in Catacumbis noctem, quam ieiunium præcesserat, orando in somnem egisset, mane non solum de corporis refectioe, aut quiete non cogitauit, sed valde longa peregrinatione suscepta, ad beatæ Virginis Agnetis Ecclesiam, pedibus processit, vbi Missam agendo, & orando, tantum temporis posuit, vt ante vigesimam secundam horam cibum non caperet: re ipsa plane ostendens, quàm omnia posset in eo, qui illum confortabat. Has omnes, & sequentes virtutes exornauit mirum in modum castitate, & pudicitia, quam in florenti etiam ætate, quamquam non leuiter tentatus, illam fortiter defendit, ac diligentissimè semper custodiuit. Itaq; fœminas sine arbitris non alloquebatur, omnemq; occasionem vitæ labefaciendi candorem accuratè præcauebat. Firmabat vero eius virtutes omnes solidum fundamentum, præcellens viarum fidei donum, quod & dilectionis egregia opera, & doctrinæ veritas, ac puritas, quam eius ex ore Ecclesia Mediolanensis, alijq; non pauci Christi fideles tot annis hauserunt, comprobant satis. Pietas præterea insignis, ac deuotio, cuius seruiore incensus Christi famulus, sacra Italiæ loca orationis causâ aliquando obibat, longa, & difficilima itinera, alienissimo anni tempore, pedibus agendo. Qua in re, vt nullo loco à sanctis operibus cessaret, tempus rerum diuinarum contemplatione, aut Psalmorum, & Sanctorum precum recitatione, aut sermones spirituales cum comitibus conferendo, transigebat. Quotidie sacrificium Deo offerebat, genibus flexis horas canonicas recitabat, & sacras scrutabatur scripturas: idq; interdum dum secretò refectioem sumeret corporalem. Quamobrem meruit homo Dei in huiusmodi operibus occupatus, non mediocriter à Domino clarificari. Cum enim ex more aliquando in priuato oratorio uespere cum familia oraret, & filius perditionis, apostata quidam ex ordine Humiliatorum, quem alij nonnulli eiusdem ordinis similes ministri Sathanæ pecunia in necem Caroli subornauerant, quod eorum Ordinis reformationem auctoritate Apostolica vrgeret, in eius tergum plumbeis globulis instructum scloppum, ab Oratorij porta explosisset, diuina protegente dextera, sagittæ paruulorum factæ sunt plagæ eorum, & globulorum pars sancti Pontificis orantis vestes non penetrauit, licet alij, violentia iactus, vtrinq; fuerint in proximo defixi: omnibusq; percussis, ac de eius salute trepidantibus, ipse solus mente immotus, illos in oratione progredi mandauit; & tunc ipsum Domini monitum illud, Non turbetur cor vestrum neq; formidet, cantari, non sine diuina voluntate, contigerat. Qui igitur sui corporis salutis opus Dei tantum anteponeret, haud mirum si rerum etiam, & honorum contemptu inter Christi seruos enituerit Carolus, & illuxerit omnibus, qui in domo sunt. Postquam enim ad Ecclesiam regendam Mediolanensem, & ad Christianam perfectionem animum appulit, vt expeditior agere posset, quod agendum suscepit, maioris Pœnitentiarij officium, Archipresbyteratum Basilicæ Sanctæ Mariæ Maioris Vrbs, ordinum Regularium complurium, Regnorum, & Nationum honorificentissimas clientelas, seu protectiones, opulenta munera, grandæsq; Eccle-

siasticos, & patrimoniales reditus sponte sua reliquit. Neq; his tantum vinculis
 sese exolendum censuit, vt Christum sequi liberius posset, sed, quod longe di-
 ficilius est, quo corpus suum redigeret in seruitutem, seuerissime exstinguit: quo-
 tidiano enim non contentus ieiunio, carniū, ouorum, ac piscium etiam sibi interdi-
 xit, deinde ter quolibet hebdomada, post hæc tota Quadragesima panem tantum,
 & aqua ieiunauit. Ac demum, vt in corde ipsius disposuerat Dominus ascensio-
 nes, Quadragesimale ieiunium magna ex parte solis siccis passis, aut solis dactylis;
 Sanctorum veterum Eremitarum more peregit: deniq; postremo vitæ tempore
 hebdomada maiore, solis Lupinis aqua molitis, languentem animam sustentauit.
 Vestis illi interior cilicium, & crassa, asperaq; tunica: exterior, priuata, lanæ,
 ac vilis, & attrita, publica dignitatis propria. super pæneas, aut super asses, paleis
 pleno, puluino capiti supposito, cubabat: interdum super ipsam humum, sagulo
 tantum subtrato: postquam enim lectum suum pauperibus, pestilentia laboran-
 tibus, largitus fuit, nunquam super lectum, culcita stratum, dormiuit. Accede-
 bant frequentes corporis flagellationes, aliæq; id genus complures mortificationes.
 Quibus tandem gradibus, cum ad illam feruorem Christi perfectionem per-
 uenisset, vt per gratiam Spiritus Sancti audire à Domino posset, Seruæ bone, & fi-
 delis, à paucis, & humanis rebus, in quibus fuerat. fidelis, super multas, & æternæ
 bonæ constitui meruit, & intrare in gaudium Domini sui: anno siquidem inuente
 ætatis suæ XLVII. eum prius, quali discessui sese comparans, Varalli montis No-
 uariensis, diocesis religiosas passionis Christi memorias adiisset, ibiq; vniuersos an-
 nos suos recogitando, generali confessione culpas diluisset, & cū amaritudine ani-
 mæ suæ quindecim dies in oratione, ieiunijs, vigilijs, alijsq; corporis afflictionibus
 egisset, æger Mediolanum delatus, consummato cursu, obdormiuit in Domino; Bius
 obitum vniuersi populi Mediolanensis luctus, consequutus est; alijs Sanctum, alijs
 communiem Patrem amissum querentibus. Excellenter verò fatuli sui sanctitatem
 comprobare etiam voluit Altissimus testimonio miraculosum; quorum complu-
 ra & si ab eo viuente facta in actis recensentur, insigniora tamen post eius bea-
 tam dormitionem edita probantur. Nam quidam infans, Philippi Nauæ, & Luci-
 næ Mediolanensis filius, quem sine oculis in lucem editum fuisse medici re mature
 perpensa, affirmassetant, piæ matris, ad Caroli auxilium conuersæ, precibus mira-
 biliter illos à Domino accepit; quippe sorore quinque annorum Carolum infanti
 benedictionem dedisse, & illum oculos aperuisse clamante, mater, clamore aduoca-
 ta puellæ, oculos infantem habere deprehendit. Et Sanctimonialis Monasterij
 maritis Mediolanensis nomine Paula Iustina Casara, cui dextere partis corporis
 omnem sensum ac motum paralysis ademerat, cū ad sancti Sacerdotis imaginem,
 voto prius suscepto, & elemosyna erogata, sacra communioni sefecta, magnus
 spiritus ardore, & fiducia oraret, statim sensum, & motum cum valitudine re-
 perauit, ita vt ad Oratorium se conferre, & gratias Deo agere libere potuerit. Alte-
 ra vero Monialis ex Capuccinis, nuncupatis, eiusdem ciuitatis, cui nomen Candi-
 da de Agadis, triennio hectica febre, tam acriter laborauerat, vt desperata salutis, ad
 morti proxima existimaretur, hæc voto similiter emisso, & sancti Pontificis auxilio

deuotè implorato , ad Caroli vestis superimpositæ contactum statim conualuit .
Votum similiter cum vouisset Angela Antonia quædam Senensis annorū fere lxx.
quo se Dominus per intercessionem beati Caroli , à membrorum infirmitate sa-
nare, cum absq; alterius auxilio incedere non valeret , ante quàm votum solue-
re finis, valetudinem consequi meruit . Ad imaginem rursus serui Christi ma-
gna cum deuotione, dum meritis eius confidens Deum orat, Candida Francisca
de Fortis, Monialis Monasterij sanctæ Agnetis Mediolanensis, vt à graui morbo li-
beretur, quò tertio iam mense affligebatur, quem spasnum ex catarrho Medici con-
sebant , indeq; crus illi dexterum contractum erat, nullisq; remedijs depelli value-
rat, suūsi quadam, quasi aura nervos, & crus dexterum perfundi, & refocillari sen-
tit, ac finita oratione pedibus consistit, & sanaturi Angela quoque Buticella Pa-
piensi grauiſſimo articuloꝝ morbo affecta, ex quo omnium membrorum motu,
præter quàm lingua, destituta, languebat, ad eius imaginem pro sanitate orante,
meritis, & precibus Caroli, vna cum deuota feminæ oratione morbus mirabili-
ter finis. Et Anna, mulier nobilis Polona, ex Marchionibus de Mirouu, cum an-
nos circiter nouem manuum acerbissimis doloribus, cum tumore, & digitorum
contractione laborasset, omni medicinæ auxilio frustra tentato, ad imaginem iti-
dem beati Caroli conuersa, eius opem, magno cum spiritus ardore, implorans, sta-
tim sanitatem recuperauit. Sepulchrum quoque serui sui placuit Domino mul-
tis signis mirificari, fidelium preces in diuersis eorum necessitatibus exaudiendis.
Ex quibus illud est eximium, quòd, cū vir quidam nobilis Mediolanensis nomine Io-
acobus Lomaciū, crurum quinquenij vlceribus affligeretur, neq; à medicina va-
letudinem consequendi spes relicta esset, acrioribus, quàm soleret, doloribus ali-
quando correptus, ad viri sancti sepulchrum, bacillo innixus, proficiscitur, ibiq;
pro recuperanda valetudine feruenti spiritu orat, oratione finita, sine dolore Mis-
sam audit, deinde incolumis confurgit, ac domum reuersus, admirabili Dei bene-
ficio crurum vlcera consolidata, sibiq; sanitatem redditam deprehendit. Præ-
terea Margarita Monta, Mediolanensis puella, annorū sex, ad eò distortis, ac peruer-
sis pedibus nata erat, vt plantæ interius conuersæ, se inuicem adspicerent, ac pedis
pars exterior plantæ officio fungeretur; tamen à corporis vitio huiusmodi, quòd
nec industria obstetricis, neq; sexennio quæsitum humanum remedium corrip-
ere valuerant, per beati Confessoris intercessionem liberata est. à matre enim ad se-
pulchrum eius ducta, ab alterius primum, deinde reducta, ac voto etiam edito ab al-
terius etiam pedis huiusmodi inuersione sanata est. Non inuidis momenti est,
quòd operatus est Dominus sancti Pontificis meritis, in altera infante, nomine
Ioanna de Maronis, eiusdem ciuitatis, matre ad sepulchrum eius similiter oran-
te: cum enim infans neruis, quibus tibijs alligantur pedes, genibusq; resolutis,
nata esset, ita vt incedere minime posset, ac pedes in humeros, cum vellent libere at-
colleret, & quantum iam ætatis annum egressa esset, tanta miraculorum beati Ca-
roli excitati parentes, ad eius sepulchrum illam, cum oblationibus, deferri curant,
indeq; vincto sub lato, sana domum refertur. Aurelia de Angelis cancri morbo gra-
uissimo, multum inæterato, cum febre, & acro dolore in sinistro crure afflicta,

quem Medici insanabilem humana arte iudicauerant, ad serui Dei auxilium conuersa, ac voto suscepto, eiusq; sepulchrum venerationis causa, cum se adituram vespere proposuisset, mane à febre libera, sanescere mirum in modum crus cœpisse cernit, ac triduo penitus conualuit. Puer verò quinque annorum Hieronymi Bersioke, & Agnetis ab Ecclesia filius, Melchior nomine, hernia admodum graui, & periculosa laborabat, magno cum dolore, & vniuersi corporis quasi ex aqua inter cutem tumore; quàm obrem medicorum irritos conatus diu mater experta, beatum Carolum supplex orat, vt ex ijs necessitatibus filium, seq; eriperet, vel impetrando infanti à Domino sanitatem, vel vitæ miserandæ finem: Has preces somnus consequitur infantis, qui post paucas horas expegefactus, matrem vocat, eiq; refert Cardinalem suum morbi locum manu, in qua lucidum gereret anulum, tetigisse, ac sanasse; quo audito (mirabilis Deus) mater filiolum adspicit, ac vere conualuisse comperit. Non longè dissimili ratione alterū puerum Papiensem Bernardini Ticoni filium, supra scripto æqualem, à mortis faucibus eripuit Dominus per merita famuli sui, retribuens pietati parentum, qui ad Sancti Dei imaginem filiolum vespere quotidie orare, & illum inuocare docuerant; cum enim in Ticinum, aquis tumidum, delapsus fuisset infans, & antequam quisquam illi opem ferre posset quasi quarta horæ pars elapsa fuisset, nunquam tamen est demersus, sed tamquam leue corpus supernatans, eò vsq; delatus est, donec educeretur; educus, planè incolumis, sese beato Carolo, rubris induto vestibus, sustentatum ne mergeretur, narrauit; beati Caroli autem auxilium, more à parentibus accepto, inuocans, dum decideret, à pluribus auditus fuerat. Hæc itaq; & alia quamplura signa, & prodigia, quibus serui sui præclara merita contestatus est Dominus, cum illam in Populis sanctitatis famam, & erga beatum Pontificem deuotionem, quam vita excitauerat, auxissent, & in dies magis auanger, dederunt exordia clarificationis à Patre luminum Carolo præstitutz. Itaque anno MDCL. precibus congregationis Oblatorum S. Ambrosij Mediolanensis à Carolo institutz, primū à Vicario venerabilis Fratris nostri Archiepiscopi Mediolanensis duo processus, de vita alter, alter de miraculis sancti Confessoris formati sunt; exinde, Clerus, & Consiliū generale eiusdem ciuitatis Mediolanensis, ad se. re. Clementem Papam Octauum, Prædecessorem nostrum, oratores de beati Caroli canonizatione miserunt; quibus auditis idem Clemens, causam Venerabilibus Fratribus nostris tunc suis, S. R. E. Cardinalibus Sacris Ritibus Præfectis demandauit, de quorum consilio causa delegata tribus sacri Palatii nostri causarum Auditoribus, dilecto videlicet filio Francisco Peniæ Decano, ac dilecto, etiam filio nostro Ioanni Garzari. Sanct. Quatuor Coronatorum Presbytero Cardinali Millino, nuncupato, tunc earundem causarum Auditori, ac bon. mem. Alexandro Littæ, quibus deinde bon. letiam mem. Alexander Iustus, & Bernardinus Scottus, & huic demum dilectus filius Horatius Lancellottus earundem causarum similiter Auditores, subrogati fuerunt, cum facultate novos processus, si eis videretur, conficiendi, Ipsi re mature examinata, novos processus auctoritate Apostolica faciendos censuerunt. Deinde eodem Clemente Prædecessore, viam vniuersæ carnis in-

gresso, ac fel. rec. Leone Papa XI. similiter Prædecessore nostro, ad Apostola-
rum assumpto, eadem causa prædictis Auditoribus commissa, & vt ad vltiora
procederent mandatum fuit: Eodemq; Leone, sicut Altissimo placuit, ab hu-
manis exempto, nostraq; humilitate, inscrutabili Dei iudicio, nullis suffra-
gantibus meritis, ad Catholicæ Ecclesiæ regimen vocata, officij nostri debitum
exigere censuimus, vt sancti Cardinalis canonizationis negotium promouere-
tur, quando, si Deo adspirante, vt sperabatur, successisset, magna cum Eccle-
siæ suæ augmento decoris, & credentium, præsertim Sacerdotalis ordinis, fru-
ctu, gestum iri constabat. Accedebant etiam Carissimorum in Christo filiorum no-
strorum Philippi I. I. Hispaniarum Regis Catholici, Sigismundi etiam I. I. Po-
loniæ Regis, & Constantiæ Reginæ Illustrium, Principum, & aliorum multo-
rum preces, quibus à Romanis Pontificibus Prædecessoribus nostris prædictis,
& à nobis id sæpius postulauerant, & postulabant. Quamobrem, cum in eadem
causa, absq; mora progredi Auditores mandauissemus, ipsi ex nouo processu, au-
thoritate Apostolica per Venerabiles Fratres nostros Philippū Comēsem, & Clau-
dium Placentinum Episcopos confecto, & ad se misso mandatu nostro, diu mul-
tumq; negotio discusso, & accuratè examinato, nobis primum, deinde Cardina-
libus prædictis, tandem retulerunt constare de beati Caroli sanctitate vitæ, ex-
cellentia fidei, & miraculis; & omnia ad Canonizationem, à Sacris Canonibus
requisita, legitime fuisse probata: ita ut, si nobis videretur, ad serui Dei Canoni-
zationis solennem actum procedere possemus. Restabat vt relationem Audi-
torum, & vniversam causam de more ijdem Cardinales accuratissimè recense-
rent, & pro rei grauitate recognoscerent: id quod, cū rectè, fideliterq; præstitissent,
idemq; omnes censuissent, ac deinde Venerabilis Frater noster, Dominicus Epif-
copus Ostiensis, & Veliternus S. R. E. Cardinalis Pinellus nuncupatus, eorum an-
tiquior, suam, Collegarumq; sententiam, cum totius summa processus retulisset in
Consistorio nostro secreto, reliqui Cardinales, qui aderant, in eandem sententiam
concesserunt. Quapropter sequenti publico Consistorio, in quo pro Canoniza-
tione disertè dixit, dilectus Filius Iulius Roma, Aulæ nostræ Consistorialis Aduo-
catus, ac nomine prædicti Philippi Regis, nobis humiliter supplicauit, Nos de tan-
ti momenti negotio, vt pareret, deliberaturos, cum ijdem Cardinalibus, & Episco-
pis, in Curia præsentibus respondimus, & Cardinales, & Episcopos, qui tunc ade-
rant, hortati sumus, vt elemosynis, ieiunijs, & orationibus Spiritus Sancti auxilium
deuotè implorarent. Cum verò in semipublico Consistorio, quod ex more dein-
de habuimus, vocatis non solum Cardinalibus, sed etiam Patriarchis, Archiepis-
copis, & Episcopis prædictis, ac præsentibus nostris, ac Sedis Apostolicæ Notarijs,
ac Sacri Palatii nostri Apostolici causarum Auditoribus, nos de vita, & miraculis
beati Caroli quæ oportebat, proposuissemus, omnes beatum Carolum Canoni-
zandum esse apertis suffragijs censuerunt. Quorum vnanimi consensu audito,
aperuimus os nostrum in benedictionibus, & gratias egimus diuinæ clementiæ,
quòd tantam gratiam tribuisset puero suo, ac per eum honorificare vellent mi-
nisterium nostrum, & Canonizationis declarauimus diem, adhortantes omnes,

iunctis nobiscum precibus, elemosynis, ieiunijs, & sacrificijs Spiritus Sancti gratiam, infirmitati nostræ in eam rem procurarent. Denique cum nihil restaret eorum quæ ex sanctorum Patrum auctoritate, factorum Canonum, Decretis, ac S. R. E. antiqua consuetudine agenda, & obseruanda sunt, hodie in Sacrosancta beati Petri, Principis Apostolorum, Basilica, in qua solentur ritum, cum ipsdem Venerabilibus Fratribus nostris S. R. E. Cardinalibus, Patriarchis, Archiepiscopis, Episcopis prædictis, Rom. Curie Prælatibus, Officialibus, ac Familiaribus nostris, clero seculari, & regulari, ac maxima populi frequentia, mane conuenimus; post repetitas pro canonizationis decreto petitiones nomine eiusdem Philippi Regis a dilecto Filio nostro Ferdinando sancti Eusebij Presbytero Cardinale, per Iulium Advocatum prædictum, post Sacros Hymnos, Litanias, aliasq; preces; post Spiritus Sancti gratiam ritè imploratam; Ad honorem Sanctæ, & indiuiduæ Trinitatis, ac fidei Catholicæ exaltationem, & Religionis Christianæ augmentum, auctoritate Dei omnipotentis, Patris, & filij, & Spiritus Sancti, beatorum Apostolorum Petri, & Pauli, ac nostra, de Venerabilium Fratrum nostrorum S. R. E. Cardinalium, Patriarcharum, Archiepiscoporum, & Episcoporum, in Vrbe præsentium, consilio, & vnanimi consensu, bonæ memoriæ Carolum Borromæum, dum vixit tituli S. Prædixis Presbyterum Cardinalem, & Archiepiscopum Mediolanensem, decuius Sanctitate vitæ, fidei sinceritate, & miraculis plenè cõstabat, & cõstat, Sanctum esse definiuimus, ac sanctorum Confessorum Pontificum catalogo adscribemus, illumq; omnes fideles venerari mandauimus, & mandauimus. Statuentes, vt ab vniuersali Ecclesia in eius honorem Ecclesiæ, & Altaria, in quibus sacrificia Deo offerantur, ædificari, & consecrari possint, & singulis annis die 11. Nouembris Festum ipsius, & officium sancti Confessoris Pontificis ad Breuiarium Romani præscriptum, deuote celebretur, eademq; auctoritate omnibus Christi fidelibus, verè pœnitentibus, & confessis, qui annis singulis eodem die Festo, ad sepulchrum, in quo Corpus eius requiescit, deuote accefferint visitandum, vnum annum, & vnam quadragenam, ijs verò qui in eiusdem Festi octaua, quadraginta dies de iniunctis, seu quomodolibet debitis pœnitentijs, misericorditer in Domino relaxauimus, ac relaxamus in forma Ecclesiæ consueta. Postremò Deum Patrem æternum, Regemq; gloriæ Christum, Patris sempiterni Filium, ac sanctum Paraclitum Spiritum, vnum Deum, vnum Dominum, laudibus, & confessionibus venerati, sacroq; hymno decantato, solenni oratione Confessorum Pontificum per beati Caroli merita ritè sumus præcati, atq; ad Altare sancti Petri Apostoli Missam egimus, cum eiusdem sancti Pontificis commemoratione, omnibusq; Christi fidelibus, tunc præsentibus Plenariam omnium peccatorum suorum Indulgentiam, & remissionem concessimus. Aequum est igitur dare nos gloriam, & honorem, & benedictionem videnti in sæcula sæculorum, qui benedixit cõseruum nostrum in omni benedictione spiritali, vt esset sanctus, & immaculatus coram ipso; & cum illum dederit nobis Dominus tamquam fulgentem stellam in hac nocte peccatorum, tribulationum nostrarum, adeamus ad Diuinam clementiam, ore, & opere

supplices, vt Carolus Ecclesie, quam vehementer dilexit, pro se etiam meritis
& exemplo, adsit patrocinio, & in tempore iracundie fiat reconciliatio, per Chri-
stum Dominum nostrum. Ceterum, quia difficile foret presentes nostras litem-
ras ad singula loca, vbi opus esset, deferri, volumus, vt earum exemplis, etiam im-
pressis, manu publici Notarii subscriptis, & sigillo alicuius personae in dignitate Ec-
clesiastica constitutae munitis, eadem vbiq; fides habeatur, quae ipsis praesentibus
adhiberetur si essent exhibitae vel ostensae. Nulli ergo omnino hominum liceat,
hanc paginam nostrorum decreti, definitionis, adscriptionis, mandati, statuti, conces-
sionis, elargitionis, & voluntatis infringere, vel ei ausu temerario contraire. Si
quis autem hoc attentare praesumpserit, indignationem omnipotentis Dei, ac bea-
torum Petri, & Pauli Apostolorum eius, se noverit incursum. Dat. Romae apud
Sanctum Petrum, Anno Incarnationis Dominicae. M. D. C. X. Kal. Nouem-
bris Pont. Nostri Anno Sexto.



Ego Paulus Catholicae Ecclesiae Episcopus.



Ego A. Maria Episcopus Praenestini. Cardinalis Gallus.

Ego Antonius Episcopus Albanen. Cardinalis Saulius.

Ego Euangelista tit. S. Laurentij in Lucina Presbyter Cardinalis Cusentinus.

Ego Fr. Gregorius tit. S. Mariae Transtiberim Presbyter Cardinalis de Montelparo.

Egg